

鎮江剿平粵匪記

一
函
二
冊
函

鎮江剿平粵匪記下卷

光緒乙未稿

丹徒橫山鄉人

鎮江陷賊中近五載圍攻之軍自金陵分駐遙受大營節度吉爾杭阿領軍至鎮江始有副帥余萬清繼之或殉或奪均不能逾稔張國樑雖幫辦軍務然以游擊之師往來馳援不駐鎮江也自鎮江克后江南大營潰散向張舊部僅有鎮江一軍上下游環賊縱橫朝廷念巖疆孤懸專設督辦鎮江軍務副臣犖辦同駐一城戰事得自專已棟阿馮子材魁玉協謀綏伐卒巖大功是時湘軍萃金陵欽差大臣曾國藩

駐軍皖境 朝旨雖令兼顧鎮江而國藩有應始終
責成馮子材之奏其后湘軍將鮑超攻克句容金壇
勝軍入鎮江西南境乃以援江西遽去淮軍克常州
謀移師會擣丹陽已克湘淮二軍之力均不能及鎮
江馮子材諸人之功烏可沒哉

咸豐七年十一月鎮江城復之日遺民才數千多不
能自存守官設廠收之 詔免咸豐八九十年新
賦並六年以前民欠總督何桂清飭修餘屋駐滿漢
官軍云

八年常鎮道喬松年集民資二十餘萬籌善后修城

備禦鎮江府城周歷十三里自府署后高聳突出北
固山立其北道光間英吉利架巨礮其山一擊而墮
壞遂陷全城自粵寇至訶其受敵乃北依江干西傍
運河而東南環築新城圍北固其中南蔽大城北則
俯瞰擊我水師最得形勢我軍崎嶇爭運道片全力
轉戰於西南絕賊援路城賊又糧盡而潰走后攻拔
我之不能遽復鎮江新城為之也至是何桂清奏留
新城遂兼修之其后庚申之變江省諸城皆淪于賊
鎮江實賴外城沿江屏蔽我軍憑城守禦賊無駐足
之地故能獨存云是時南岸无事僅鞠耀乾將水師

守金山八月賊陷儀徵張王良將三千众屯高資黃
彬李明新召水師未會九月皖賊陷揚州張國樑自
鎮江濟師復之王良以軍返江甯旋賊陷漂水鎮江
亦治防十月漂水復始解嚴

九張國樑馮子材與賊戰江浦六合北軍帥德興
阿師久无功江北不復置帥由南京魚轄水師因隸
南軍十月賊復陷浦口東窺揚儀南岸之賊亦窺漂
水

十年正月國樑平浦口沿江賊壘江寧賊益懼謀擾
浙江三月陷杭州還攻東圯陷漂陽圍金壇環攻七

日兵練擊走之賊竄至紅山距白兔僅十餘里閏三月何桂清遣總兵熊天喜副將向奎馬占葵等將兵六千餘防鎮江副將劉成元參將林定海將兵三千餘千總劉厚和以長龍舢板二十艘防丹陽時江南大營月餉五十萬兵籍當十二三萬和春久為提督王浚所朦重重剋剝寔額不及半又每四十五日發月餉復三分而減一俟工竣補給自三月張王良等援浙后大營兵不及四萬非桀驁即疲弱諸將自張國樑下推總兵馮子材號能戰賊覘大營兵薄且携資可乘糾皖南江北賊趨江寧謀破我長圍何桂清

居常州留王良自衛不令赴援僅遣熊天喜劉成元

進軍白兔國樑拒戰八晝夜賊益增而士卒日譁餉

轉相誘煽已酉立夏遲明雪乃大作酷寒至夜各營大

軍潰散和春許乃釗聞變不及履倉猝東奔委餉銀

至三十萬皆浚扣剋所積也張國樑欲自裁為部將

勸止明日與和春至鎮江桂清恐被劾馳書慰勞並

請駐丹陽乙卯和春督軍四千餘众移屯丹陽火城

外廬舍乘而守國樑留鎮江收潰卒丁巳乃始統軍

萬餘往會屬馮子材協同將軍巴棟阿守鎮江羅志讓億

堂文鈔負負生傳云張殿臣總鎮奏明守京口以后丹陽固急和欽憲信致張鎮赴丹陽調遣生卒百姓

往留張公以信示生而送生至門外拍生肩曰馮翠
亭不能打仗尚可守城卒與生同守五載亦可見張
公之知人矣又文鈔附錄狄嶙秋林脫劍齒序云
已未常鎮道英公喜郡守師公榮光邑令田公祚丞
請耦廉出為董辦團防次年春大營潰圍耦廉陳所
見于道府稟文吏撰兵千五百名以向都督奎統帶
未鎮又撲馬占魁老弱兵丁五百名創于西城外雲
台山加以在城鎮兵二三百名與向軍分守各城
大兵單不敷布置適馮軍門子材率願部下自上游
九洲安而不出云鎮養息遂留之以為協防皆其
措置之因時得宜非賊已自金壇珥村趨呂城奔牛
淺識者所能及也

游騎掠白兔寶堰熊天喜軍潰自戕王浚先期自丹
陽遁賊已傳南城癸亥國樑出戰創甚猶及數賊躍
入丹陽河死之和春奔常州丹陽陷知縣方濬泰殉
焉國樑廣高要人少時聚徒攻劫為豪率已而幡然

悔之詣南寧鎮歸誠向榮在廣西賞其才隸為偏裨
及圍金陵大小數百戰所向无敵其援濱江郡縣也至
則克之部下健兒數百人皆一可當百每戰國樑足
麻屨布袜首若行縢綢縛胸背數重出隊為前敵遇
賊不甚恃火器賊轟擊輒伏不動且伏且前度距賊
近覷礮發子過逆濃烟翔入所部從之跳身盪決迅
若薙草又諭諸酋技所長而逆呂中之賊見其旗輒
遁國樑每建他將纛誤櫻之屢獲大勝嘗援鎮江吉
尔杭阿餞之九華山酒中報賊至戰不利公飲啖自
如呼其属曰賊近以告无何四山鼓噪槍聲雷震公

出營門揚旗翼出自僻路鈔拊賊背急攻之遂敗賊
呂歸吉尔杭阿之變丹徒呂東大局幾決裂軍民冀
其速來猶解倒懸也降將戰績赫烜者國標為首始
雖不逞後效節以令名終予諡忠武嗚呼可謂壯

士已先是鎮江每傾國標至皆倚呂自壯至是日數
驚四月乙丑朔賊自丹陽蹕至丹徒鎮丙寅以萬众
犯鎮江迫銀山三壘江北守卒皆走向奎率所部二
百餘粹擊之賊甫登不及成列駭而奔進躡之數里

奪賊旗還

億堂文鈔向魁傳云閏三月金陵大軍退

馬占魁

都使張得龍皆遁向公奮無起提所部兵二

百餘人出城與賊戰于宝盖山下賊敗而退至四月

初二日賊圍東南門而丹陽召下縣城相繼失守人心益惶懼夜漏三下官兵將門北門出浮江而遜時天微雨向公聞之引步軍疾趨北門令曰斬官弁一人者首級予銀百兩斬守兵一人逃者首級予銀五兩令下眾皆服標時公掌北門之管麾軍緊已已土塞門督放鎗砲如雨賊至曉而走人心乃定已已賊三道犯城中礮走匿山谷庚午乘夜霧環攻城子材督軍扼新城鞠耀乾駕火輪夾擊脩其北賊走東門緣梯上向奎親燃礮斃數人餘賊跳自相蹂叅將蘇如松開城追之賊大奔是時上不知常州已陷方詔和春撥勁旅援鎮江和春已數日退許關召傷病殂蘇州復陷江北賊亦寇揚州為提督李若珠擊走詔召張玉良總統江南諸軍建治何桂清等侍

郎曾國藩權制兩江是時賊蹂各鄉遍四境民團群
起遮之卒以不敢死乃設偽官催貢物凡窮鄉殷鎮
无不破碎而攻城之賊猶迸山坳自丹徒以東緣江
皆賊屬之吳家橋巴棟阿疏請濟援師五月江寧賊
西聚橋頭庚戌馮子材與副將馮日坤自高資進攻
戰五時克其壘奪炭渚賊卡三

平定粵匪紀略事
在六月此從方略六

月癸亥朔賊自丹陽循運河窺鎮江子材迎擊至越
河賊先遁時鎮江防軍一萬四千六百餘人新募者
過半元軍械水師守江者提兵黃彬以紅單船十四
防瓜洲游擊賴鎮海以艇船三十六防金山甘露港

叅將李明新召紅單船十四防東馬頭諫壁口都司
張瀚臣拖罾六龍快五防丹徒口副將鞠耀乾呂艇
船十四防大港巴棟阿奏陳水陸軍不敷 詔就見
有軍力認真訓練不得任其坐糜糧餉初曾國藩奏
言宜調下游師船扼焦山瓜洲與揚州陸軍聯絡无任
北渡為主至是月提督楊載福遣提兵吳全美同李
德麟以師船還守鎮江曾國藩補授兩江總督以欽
差大臣遙統南軍時偽侍王李侍賢圍金壇已二月
援軍三千餘众提兵蕭知音叅將周天孚艾得勝分
統之不相属知縣李淮和輯之乃任分守壁壘于

城外知音天孚復增募一軍皆狡黠難制賊屢創于民團乃舍城攻營守備曾錦榮屯城東北奸勇導賊破之馬雲台懸城謀內搆入知音斬以徇得勝所部王文榮劉尚德軍屯小南門亦叛降賊知音悉命諸軍入城賊乃得築長濠逼攻七月戊申未曙賊乘大霧登城叛將奚全勝馬星畜應之天孚戰歿城遂破李淮死之艾得勝被執為賊殺金壇城中戶口逾七萬賊皆搜殺之孑遺不及三千人罹禍獨慘于他縣焉蕭知音潰軍數千至鎮江馮子材馳援不及還屯越河為巡撫薛煥論劾副將陶茂森執新豐尋破嚴

街土塘賊而丹陽賊時蹕至諫壁丹徒犯水師為總

兵周希濂等距走 詔賞黃彬提督銜統揚鎮師船

八月蘇常賊帥李侍賡復糾党四萬餘眾來寇自新

豐連壘屬京峴東西二十餘里戊子分道攻城子材

自甘露寺鈔賊背走霄山賊踰日賊復至巴棟阿嬰

城守副將滕嗣林向心照出擊子材召小隊策應屈

呂元鏐入城叢賊敗走伏近山猶連日番攻疲我謀

襲北門負雲梯數百架趨至花山灣見神鐙蔽室至

大愕委而奔此據逃賊供云見城上皆英濟王鐙

入告請加封號而馮桂芬顯志堂稿張忠武傳云公

薨鎮江營多公舊部賊至假公旗以出戰賊披靡陰

兩中賊輒望見公旗故賊猶傳公不死又李聯琇輓
張栻統詩序云公麾下之守京口者佯言公尚存將
以死亮走生懿也賊聞之疑慮八月間賊眾二十萬
圍攻鎮江城兵少垂潰越夕賊忽返奔乃出追大
敗之因乃解詢之俘虜具言圍合時猝見栻張字
旗無數蔽空而來致追按鎮江都天神相傳為張睢
陽賊不事神疑賊傳忠武未死見張字燈驚走究九
不能知其為睢陽者忠武也疑事毋質未敢明之九
月辛卯朔復來圍攻總兵馮日坤擊走之而江寧賊
已自高資磯全擲火器焚城水陸距擊之賊走丹陽
子材追至包家岡而還李明新以水師登岸潛擊丹
徒賊李侍賢屢不得逞還蘇常時向奎等將四千人
援上海鎮防軍單餉又不時至卒多无衣巴棟阿馮
子材親歷拊循嚴守七晝夜驅軍搏戰寇剝緣間不

能得相率歛退鎮江至此三次解圍矣巴棟阿乞病

請以馮子材督辦鎮江軍務

詔俞允

十月十六日
子材接巴棟

阿咨始就
督辦職務

先是李侍賢犯鎮江

文宗呂江蘇自常

昭失守惟有鎮江一府孤懸江岸必須竭力保全為
進窺蘇常之地无如餉絀兵單十分危急且金陵之
賊亦有下竄之信甚屬可虞鎮江倘有疎虞則江南
賊勢聯成一片異日進兵更為費手 諭曾國藩遣

軍馳援國藩駐軍祁門皖南北戰事急安慶未下至
十月奏以鎮江尚可為數月守請以今臘明正間親
率馬步數千由皖北繞赴淮揚與巴棟阿聯絡嚴防